

立杜賣契人賴旺，有自己開墾山埔一所，坐落沙連保，土名三塊厝仔頂。東至林家園；西至墩下林家田；南至林家田；北至林家山埔，四至明白爲界。今因乏銀費用，先盡問房親人等不願承受，交外托中引就將山埔一所，送與宗兄泰覲出頭承買，三面言議著下時值價銀捌大員正。其銀即日憑中交訖，將山埔一所，隨付與銀主永爲掌管，任從開出風水吉地一穴，其餘墳外四至盡交銀主掌管。此係旺自己開墾，並無上手繳連，亦無重張典掛他人財物，如有此等情不明，旺自己抵當，不干銀主之事。此係二比甘愿，各無反悔。今恐口無憑，立杜賣契一紙，付執爲炤。

即日收過契內銀捌大員正，付執。再炤。

代書人趙正春（花押）

爲中并知見人劉請（花押）

乾隆二十八年十月

日立杜賣契人賴旺（花押）

